



**PERHIMPUNAN AGUNG TAHUNAN**



**24**

沙巴團結黨二十四屆中央代表大會 **PARTI BERSATU SABAH KE-**



## *Perutusan*

# **PERDANA MENTERI MALAYSIA**

Saya ingin mengucapkan terima kasih atas kesempatan untuk menyampaikan sepatah dua kata dalam buku cenderamata sempena Persidangan Tahunan Parti Bersatu Sabah (PBS) kali ke-24.

Melalui konsep 1Malaysia dan pendekatan "rakyat didahulukan dan pencapaian diutamakan", perpaduan rakyat dan integrasi nasional terus menjadi teras dasar pembangunan negara untuk menjana keadilan sosial, kestabilan politik dan kemajuan ekonomi demi menjamin keamanan, kemakmuran dan kesejahteraan rakyat yang berterusan.

Melalui pendekatan ini, Barisan Nasional telah memperkenalkan pendekatan baru dari segi strategi kepimpinan dan pengurusan negara di mana kepentingan rakyat dan pencapaian akan ditekankan di mana setiap pemimpin Barisan Nasional adalah agen pembangunan dan perubahan yang memiliki nilai-nilai positif dan sikap rendah hati, prihatin, memahami dan mendahulukan rakyat serta mengutamakan pencapaian melalui peningkatan pengetahuan, kemahiran dan kecekapan untuk melaksanakan tanggungjawab mereka sebagai pemimpin akar umbi. Saya sarankan agar pemimpin-pemimpin akar umbi Barisan Nasional turun padang, menemui dan bergaul rapat dengan rakyat, memahami dan sensitif terhadap keperluan mereka serta bertindak dengan cekap untuk membantu, menolong dan menyelesaikan masalah-masalah rakyat. Barisan Nasional harus dilihat sebagai pemangkin perubahan yang dikasihi dan dihormati rakyat dan terus relevan dalam konteks arus perubahan yang sedang melanda dunia masa kini.

Sabah amat bertuah oleh kerana terus menikmati dan mendapat perhatian kerajaan melalui peruntukan projek-projek pembangunan yang banyak dalam Rancangan Malaysia Ke-9. Sabah akan terus menerima perhatian dan peruntukan pembangunan secukupnya dalam Rancangan Malaysia Ke-10 sebagai komitmen kerajaan kepada rakyat negara yang terus setia dan penyokong agenda pembangunan Barisan Nasional. Namun kejayaan negara tidak terletak semasamata dalam soal peruntukan kerajaan. Yang lebih penting dan bermakna ialah sikap positif dan pola pemikiran rakyat serta usaha yang kreatif dan inovatif untuk memanfaatkan segala bantuan kerajaan untuk meningkat taraf hidup setiap rakyat serta keluarga, masyarakat dan seterusnya untuk memperkayakan negara.

Saya ucapkan syabas dan tahniah kepada Parti Bersatu Sabah sebagai kerabat Barisan Nasional yang telah menyumbang kepada kejayaan Barisan Nasional. Adalah harapan saya agar tangan persahabatan yang berterusan di kalangan anggota komponen Barisan Nasional akan menyemarakkan semangat perjuangan serta kerjasama yang lebih erat demi mencapai cita-cita murni kerajaan Barisan Nasional di rantau ini.

Seiamat Bersidang.

**1Malaysia "Rakyat Didahulukan, Pencapaian Diutamakan"**

**YAB DATUK SERI PANGLIMA MOHD. NAJIB BIN TUN HJ. ABDUL RAZAK**